



## **TOSHKENT DAVLAT YURIDIK UNIVERSITETI REKTORINING B U Y R U G‘ I**

---

2021-yil 24-dekabr

08-353-son

### **O‘zbekiston Respublikasi adliya vazirining 2021-yil 9-dekabrda 326-um-son buyrug‘i ijrosini ta’minlash to‘g‘risida**

O‘zbekiston Respublikasi Vazirlar Mahkamasining 2021-yil 22-noyabrda 705-son “O‘zbekiston Respublikasi Adliya vazirligi tizimidagi ta’lim muassasalari faoliyatini yanada takomillashtirish chora-tadbirlari to‘g‘risida”gi qarori hamda O‘zbekiston Respublikasi adliya vazirining 2021-yil 9-dekabrda 326-um-son buyrug‘i ijrosini ta’minlash maqsadida

### **BUYURAMAN:**

1. O‘zbekiston Respublikasi Vazirlar Mahkamasining 2021-yil 22-noyabrda 705-son “O‘zbekiston Respublikasi Adliya vazirligi tizimidagi ta’lim muassasalari faoliyatini yanada takomillashtirish chora-tadbirlari to‘g‘risida”gi qarori (keyingi o‘rinlarda – Qaror) hamda O‘zbekiston Respublikasi adliya vazirining 2021-yil 9-dekabrda 326-um-son buyrug‘i rahbarlik va ijro uchun qabul qilinsin.

2. Qarorga muvofiq:

O‘zbekiston Respublikasi Adliya vazirligining yuridik texnikumlari reytingini aniqlash tartibi to‘g‘risidagi nizom;

O‘zbekiston Respublikasi Adliya vazirligi yuridik texnikumlari bitiruvchilarini “yurisprudensiya” mutaxassisligi bo‘yicha yuridik kadrlarni tayyorlashni amalga oshiruvchi oliy ta’lim tashkilotlari bakalavriatiga o‘qishga qabul qilish tartibi to‘g‘risidagi nizom tasdiqlanganligi;

Toshkent davlat yuridik universiteti (keyingi o‘rinlarda – TDYU) qoshidagi akademik litseyga o‘qishga qabul qilish har yili 1-avgustga qadar Davlat test markazi tomonidan o‘tkaziladigan test sinovlari orqali amalga oshirilishi, bunda test sinovlarini o‘tkazish bilan bog‘liq xarajatlar ushbu maqsadlar uchun

ajratiladigan O'zbekiston Respublikasi Davlat budjeti mablag'lari hisobidan amalga oshirilishi belgilanganligi;

akademik litseyga dars mashg'ulotlarini, xususan, onlayn rejimda o'tkazish uchun xorijiy mutaxassislar jalb qilinishi hamda ularga ish haqi miqdori TDYU tomonidan mustaqil belgilash huquqi berilganligi;

akademik litseyda va yuridik texnikumlarda pedagog xodimlar tarkibida qonunchilik hujjatlarida nazarda tutilgan lavozimlar bilan birgalikda kafedra mudiri, professor, dotsent lavozimlari ham joriy etilganligi;

TDYU bakalavriat ta'lim yo'nalishlariga sirtqi ta'lim shakli hamda ikkinchi va undan keyingi oliy ta'limga qabulni Davlat test markazi tomonidan o'tkaziladigan test sinovlari orqali amalga oshirish belgilanganligi;

respublikadagi oliy ta'lim tashkilotlarining buyurtmalariga ko'ra TDYU magistraturasida bazaviy oliy yuridik ma'lumotga ega bo'lgan kadrlarni maqsadli tayyorlash uchun kirish sinovlarisiz magistraturaga qabul parametrlaridan tashqari to'lov-kontrakt asosida qabul qilish, shuningdek, ushbu tashkilotlarga ularning budjetdan tashqari mablag'lari hisobidan kontrakt to'lovlarini amalga oshirish huquqini berish, bunda, ushbu kadrlarga o'qishini tamomlaganidan so'ng buyurtma bergan oliy ta'lim tashkilotlarida shartnoma asosida uch yil davomida to'liq stavkada uzluksiz ishlab berish majburiyati yuklash belgilanganligi inobatga olinsin.

3. Uzluksiz ta'lim boshqarmasi (D. Alimov):

**2022-yilning 7-yanvariga qadar** yuridik texnikumlar bitiruvchilari tomonidan yo'llanmalarni olishda tanlovni o'tkazish tartibi hamda baholash mezonlarini ishlab chiqsin va Adliya vazirligiga tasdiqlash uchun kiritсин;

Ta'lim sifatini nazorat qilish bo'limi (B. Musayev) bilan birgalikda **o'n kun muddatda** Qarorda belgilangan vazifalardan kelib chiqib, shu jumladan yuridik texnikumlarning reytingini aniqlash mezonlari bo'yicha turkum seminar-treninglar tashkil etilishini ta'minlasin.

4. Moliya-iqtisod bo'limi (A. Raximov):

**2022-yil 7-yanvarga qadar** TDYU qoshidagi akademik litsey ijrochi direktori O. Sayidumarov hamda Uzluksiz ta'lim boshqarmasi (D. Alimov) bilan birga akademik litseyda va yuridik texnikumlarda pedagog xodimlar tarkibida qonunchilik hujjatlarida nazarda tutilgan lavozimlar bilan birgalikda kafedra mudiri, professor, dotsent lavozimlarini kiritgan holda akademik litsey va yuridik texnikumlari boshqaruv, texnik, xizmat ko'rsatuvchi va o'quv-yordamchi xodimlarining namunaviy shtatlarini, shuningdek yuridik texnikumlarda ta'lim

sifatini nazorat qilish bo'limlari tashkil etilishi munosabati bilan yuridik texnikumlar tuzilmasini qayta ko'rib chiqsin va Adliya vazirligiga taklif kiritsin;

akademik litsey va yuridik texnikumlarda Qaror bilan joriy etilayotgan lavozimlarning razryadlari (bazaviy tarif stavkalari, maoshlari) hamda koeffitsiyentlari miqorlari belgilanishi yuzasidan Adliya vazirligiga taklif kiritsin;

**2022-yil 25-yanvarga qadar** akademik litseyda o'tkaziladigan dars mashg'ulotlariga jalb qilinadigan xorijiy mutaxassislar uchun to'lovlar miqdorini tasdiqlash choralarini ko'rsin.

5. "Elektron universitet" markazi (A. Karimov) **2022-yil 1-fevralga qadar** yuridik texnikumlar bitiruvchilari tomonidan yo'llanmalar olish bo'yicha maxsus onlayn platformaning texnik talablari (konsepsiyasi)ni ishlab chiqsin va Adliya vazirligiga tasdiqlash uchun kiritsin.

6. TDYU qoshidagi akademik litsey ijrochi direktori O. Sayidumarov:

**2022-yil 5-yanvarga qadar** TDYU qoshidagi akademik litseyga qabul qilish uchun test sinovlarini o'tkazish tartibini ishlab chiqsin va tasdiqlash uchun kiritsin;

akademik litseyda o'tkaziladigan dars jarayonlariga muntazam ravishda xorijiy mutaxassislar jalb qilinishini ta'minlasin.

7. Devonxona (X. Abdullayev) mazkur buyruqni universitetning barcha tarkibiy bo'linmalariga yetkazilishini ta'minlasin.

8. Mazkur buyruq ijrosini nazorat qilish prorektorlar D. Umarov va A. Iminov zimmasiga yuklansin.

**Rektor**



**A. Tashkulov**

**Kiritildi:**

Uzluksiz ta'lim boshqarmasi  
boshlig'i o'rinbosari – o'quv jarayonini  
tashkil etish bo'limi boshlig'i

D. Alimov

**Kelishildi:**

Xalqaro hamkorlik va uzluksiz ta'lim  
bo'yicha prorektor

D. Umarov

O'quv ishlari bo'yicha prorektor – TDYU  
qoshidagi akademik litsey direktori

I. Rustambekov

Moliya-iqtisod ishlari  
bo'yicha prorektor

A. Iminov

Yuridik byuro  
katta yuriskonsulti

E. Xosilov